

鄭

氏

爻

辰

補

鄭氏爻辰補卷五

丹徒

繫辭

範圍天地之化而不過

費直曰。壽星起軫七度。大火起氏十一度。析木起尾九度。星紀起斗十度。元枵起女六度。諏訾起危十四度。降婁起奎二度。大梁起婁十度。實沈起畢九度。鶉首起井十二度。鶉火起柳五度。鶉尾起張十三度。房喬等晉書九家曰。範者法也。圍者周也。言乾坤消息法周天地而不

過於十二辰也。辰日月所會之宿。謂誼訾降婁大梁實

沈鶉首鶉火鶉尾壽星大火析木星紀元枵之屬是也。

集解 周易述云乾坤消息謂消息十二爻十二辰而

暮一歲。故法周天地十二爻主十二辰。故不過十二辰

也。昭七年春秋傳曰日月之會。是謂辰。杜預云一歲日

月十二會。所會謂之辰。皇甫謐帝王世紀曰自危十七

度至奎四度曰誼訾之次。於辰在亥。謂之大淵獻斗建

在寅。自奎五度至胃六度曰降婁之次。於辰在戌。謂之

閼茂斗建在卯。自胃七度至畢十一度曰大梁之次。於

辰在酉。謂之作噩斗建在辰。自畢十二度至東井十五

度曰實沈之次。於辰在申。謂之涖灘斗建在巳。自井十

六度至柳八度曰鶉首之次。於辰在未。謂之叶洽斗建

在午。自柳九度至張十七度曰鶉火之次。於辰在午。謂

之敦牂斗建在未。自張十八度至軫十一度曰鶉尾之

次。於辰在巳。謂之大荒落斗建在申。自軫十二度至氏

四度曰壽星之次。於辰在辰。謂之執徐斗建在酉。自氏

五度至尾九度曰大火之次於辰在卯謂之單關斗建在戌自尾十度至斗十度曰析木之次於辰在寅謂之攝提格斗建在亥自斗十一度至婺女七度曰星紀之次於辰在丑謂之赤奮若斗建在子自婺女八度至危十六度曰元枵之次於辰在子謂之因敦斗建在丑凡天有十二次日月之所躔鄭氏謂辰與建交錯實處如表裏然漢書律術志曰玉衡杓建天之綱也日月初躔星之紀也綱紀之次以原始造設合樂用焉案斗柄所建十二辰而左旋日體十二月與月合宿而右轉表裏言合也即合辰合晷之法也子丑之等十二辰在地姬訾之等十二次在天此言天地之化故舉十二辰也

觀鳥獸之文

陸績云謂朱鳥白虎蒼龍元武四方二十八宿之文。

集解

周易述云南方朱鳥西方白虎東方蒼龍北方元武每方七宿分主春夏秋冬夏故四方二十八宿五星為緯

二十八宿爲經。漢上易傳。鳥獸之文。卽天文。太元日。察故云經緯之文。龍虎之文。觀鳥龜之理。舉鳥獸則龜見矣。

作結繩而爲網罟以佃以漁。蓋取諸離。

離互巽爲繩。

說卦

說文。締也。又互兌。上值畢。畢爲天網。

故作結繩而爲網罟。佃漁者。馬融云。取獸曰佃。取魚曰

漁。

釋文莊存與云。朱鳥者。禽也。作結繩而爲網罟。以佃以漁。蓋取諸離也。包犧氏以道揆法而教民守之。

之謂作尙象莫先於此。

包犧氏沒。神農氏作。斲木爲耜。揉木爲耒。耨之

利以教天下。蓋取諸益。

京房曰。耜耒下耜也。耒耜上句木也。釋文姚配中云

也。其取象益者。益五互艮。辰在丑。上值牛附星天田。

甘氏讚曰。天田本農耕器。犁鋤。開元占經故云。斲木為耜。揉

木為耒。耒耨之利。以教天下。益下體震辰在卯。上值房

諸益當農祥之正位。損上益下。莊存與云。耒耨之利。必取

日中為市。致天下之民。聚天下之貨。交易而退。各

得其所。蓋取諸噬嗑。

噬嗑體震。辰在卯。上值天市。史記天官書。旗中四星曰

天市。正義曰。天市二十三星。房星東北。主園市聚交易。

之所。

開元占經引巫咸曰：天市者，天子之市也。又引詩緯云：天市主聚眾。

市有三。

司市云：大市，日

昃而市，百族爲主；朝市，朝時而市；商賈爲主；夕市，夕時而市；敗夫販婦爲主。

此云日中者，噬

嗑體離，離爲日，辰在午，舉日中以該朝夕也。

吳台文曰：午上值七

星，開元占經引巫咸曰：七星爲賜貨以其所有，易其所无，各得其所，亦猶物之有間者，齧而合之也。莊

存與云：東方者，五穀魚鹽財貨之所阜也。上當天市，有

諸國之象環之矣。古之爲市者，致其民，不利其貨，納賈

以觀所好惡，辟則正焉。故害者亡，靡者微，風俗成而事

用遂。噫，觀天之象，市與獄錯居，聖人皆著之噬嗑，民以

貨獄死焉而不畏，自古以然。聖人絕之以不言，遠之以

不見。夫子告哀公曰：昔之用民者由前，今之用民者由後。夫太微三光之廷，五帝之坐，三公九卿諸侯大夫左右執法，君子所職，義之教也。由前也。天市之都，日月不行焉。市肆帛度斗斛宦者市候天弁，小人所知，利之化也。由後也。南面而王天下，苟以利化民，則小人必將賢智乎君子。獄不勝罪，刑煩而徵見於市。先王明而敕之，亦先義後利而已矣。

味經齋遺書

黃帝堯舜垂衣裳而天下治，蓋取諸乾坤。

鄭注：乾爲天，坤爲地。天色元，地色黃。故元以爲衣，黃以

爲裳。象天在上，地在下，土託位于南方。南方故云用纁。

詩七案乾五坎爻辰在子。上值女。晉志：須女主布帛裁

製嫁娶。坤二離爻辰在午。上值七星。荊州星占曰：七星

主衣裳文繡。

北堂書鈔

黃帝堯舜取上天下地之象以爲衣

裳。卽法天尊地卑之義以治天下。故垂衣裳而天下治。

剡木爲舟，剡木爲楫。舟楫之利以濟不通，致遠以

利天下，蓋取諸渙。

渙下體坎。辰在子。上值女。附星潢。史記索隱引元命包

曰：潢主河梁。所以渡神，通四方。二互震。辰在卯。上值亢。

池。文獻通考。亢池六星爲泛舟楫。主送迎。故曰舟楫之利。以濟不通。致遠以利天下。

服牛乘馬引重致遠以利天下蓋取諸隨

隨。兌上震下。辰在酉。上值畢附星天苑。文獻通考。天苑十六星。天子之苑囿。養禽獸之官也。主馬牛羊。震辰在卯。上值房。史記天官書。房爲府曰天駟。索隱曰。詩汜歷樞云。房爲天馬。主車駕。三互巽爲繩。說卦繩束縛物。故服牛四互艮。艮爲背。虞翻比巽爲股。說卦在馬上。故乘馬。艮止震動。故引重致遠。

重門擊柝以待暴客蓋取諸豫

鄭注豫坤下震上九四體震又互體有艮艮為門震日

所出亦為門重門象李王貴云豫體震辰在卯說文卯為春門四五艮辰在丑上值斗巫

咸曰南斗六星二名天關故象重門艮又為手巽爻也應在四皆木也手

持二木也手持二木以相敲是為擊柝擊柝為守備警

戒也四又互體為坎坎為盜案坎辰在子為元枵土五虛民耗盜之象見矣五

離爻為甲冑為戈兵離辰在午上值七星晉志盜謂張

言云字誤惠改持戈兵是暴客也又以其卦為豫有守

備則不可自逸周禮天官宮正疏

斷木爲杵掘地爲臼曰杵之利萬民以濟蓋取諸

小過

小過下體艮辰在寅上值木杵。大象列星圖曰杵三星在箕南主春杵之用。占若其縱則爲豐若其橫則爲饑。

太平御覽故曰曰杵之利萬民以濟蓋取諸小過。一說小

過晉上之三也。案晉四互坎辰在子上值危附星杵曰

論語讖曰杵曰七星主給庖。開元占經徐文靖云甘

旁曰四星近人星東南是杵曰亦聖人觀象以制也。

弦木爲弧剡木爲矢弧矢之利以威天下蓋取諸

睽

睽上體離。辰在午。上值七星。晉志曰。七星主急兵。下體兌。辰在酉。上值畢附星參旗。石氏曰。參旗一名天弓。郊萌曰。參旗主司兵弩之事。俱開元占經故曰弧矢之利。以威天下。蓋取諸睽。

上古穴居而野處。後世聖人易之以宮室。上棟下宇。以待風雨。蓋取諸大壯。

大壯體乾。上值室。詩鄭箋云。定星昏中而正。于是可以營制宮室。故象宮室棟宇。

毛西河云。棟屋脊棟也。宇欄也。大壯又體震。

震反巽。巽當巳位。軫宿屬之。史記天官書曰。軫主風。五
又互兌。兌當酉位。畢屬之。甘氏曰。畢主街巷陰雨。天之
雨師也。太獻通考案。太壯無巽象。巽風不見。兌雨隔震。與乾
絕體。故上棟下宇。以待風雨。大壯體乾辰在亥。莊存與云。雷電雲雨其神司焉。以
禦風雨。大壯也。

古之葬者。厚衣之以薪。葬之中野。不封不樹。喪期
無數。後世聖人易之以棺槨。蓋取諸大過。

鄭注。大過者。巽上兌下之爻。初六在巽體。巽爲木。上六
位在巳。巳當巽位。巽爻爲木。二木在外。以夾四陽。四陽

互體爲二乾。乾爲君爲父。是棺槨之象。檀弓疏云。大過初體巽。故初在巽體上。六爻辰位在巳。巽四月卦。故巳當巽位。本末皆巽。故云二木。四陽在內。故夾四陽。中互二乾。上乾爲君。下乾爲父。釋名曰。衣尸棺曰斂。斂藏不復見。故云二木夾君父棺斂之象。莊存與云。大過厚終。中孚緩死。表大陵也。味經齋遺書案。大過上體兌。辰在酉。上隨胃附星大陵。北堂書鈔引天官星占云。大陵一名積尸。明有大喪。案仲夏行秋令。則草木零落。人傷于疫。注云。大陵之氣爲害也。

上古結繩而治。後世聖人易之以書契。百官以治萬民。以察蓋取諸夬。

上古結繩而治。鄭注。事大。大結其繩。事小小結其繩。易疏

後世聖人易之以書契。鄭注云。書之于木。刻其側以爲契。各持其一。後以相考合。書孔序疏其取象夬者。夬下體乾。辰在亥。上值畢。大象圖曰。東壁二星主文章。天下圖書秘府。藝文類聚夬下體兌爲契。虞翻繫下注張惠言云。刻附決連附。而書之象。故夬象書契。

履以和行

困學紀聞引周髀云。天地四極四和。注。謂四和者。謂之極。子午卯酉。得東西南北之中。案履下體兌。辰在酉。故以和行。

謙以制禮

謙三艮爻辰在丑。上值斗附星天弁。石氏曰。天弁星主
恭儉。開元占經謙象也。三以一陽制五陰。萬民服。故云謙以
制禮。

復以自知

復初辰在子。釋名釋天子。孳也。陽氣始萌。孳生於下也。
其復不遠。象曰。不遠之復。以脩身也。故云自知。

恆以一德

恆下體巽。辰在巳。上值北斗天樞。石氏曰。北斗第一星

日正星主德。開元占經虞翻云恆德之固立不易於從一而終故一德者也。

損以遠害

損自泰來。泰上體坤。辰在未。上值井。史記天官書云禍成井。晉灼注云東井主水事。火入一星居其旁。天子且以火敗。故曰禍也。故虞翻云坤爲害。又云泰初之上體艮。艮爲止。以乾止坤。乾爲遠。故遠害。

益以興利

益下體震。辰在卯。上值房。國語曰農祥晨正。唐固曰農

祥房星案益初利用爲大作謂耕作也故云益以興利

困以寡怨

困自否來否坤爲怨

虞翻注案坤辰在子上值與鬼

之若有光上賦敘重數乾來上折坤二成坎坎辰在子

上值大梁之次左傳大梁水宗也水性流通故寡怨

井以辨義

井下體巽辰在巳上值太微史記天官書南宮朱鳥權

衡衡太微三光之廷又云德成漢索隱曰衡則能平物

故有德公平者先成形於潢辨義之謂也

井下互兌屬秋案秋金義

也。故云井以辨義。

巽以行權

九家曰：巽象號令，又為近利。人君政教進退，釋

張惠言云：釋當

為利而為權也。春秋傳曰：權者反乎經，然後有善者也。

集解

鄭注月

令云：稱鍾曰權。

案：巽辰在巳，上值太微。春秋元命包曰：

太微權政所在。

開元占經

故云巽以行權。

鄭氏爻辰補卷六

丹徒戴 棠著

說卦

雷以動之

荀曰。謂建卯之月。震卦用事。天地和合。萬物萌動也。集解

風以散之

荀曰。謂建巳之月。萬物上達。布散田野。集解

雨以潤之

荀曰。謂建子之月。含育萌芽也。集解

日以暄之

荀曰。謂建午之月。太陽欲長者也。集解

艮以止之

荀曰。謂建丑之月。消息畢止也。集解

兌以說之

荀曰。謂建酉之月。萬物成熟也。集解

乾以君之

荀曰。謂建亥之月。乾坤合居。君臣位得也。集解

坤以藏之

九家曰。謂建申之月。坤在乾下。包藏萬有也。集解

萬物出乎震震東方也

鄭注。萬物出於震雷發聲以生之也。漢上易徐文靖云。

史記律書曰。明庶風居東方。明庶者。明眾物盡出也。二月也。律中夾鍾。其于十二月爲卯。其于十母爲甲乙。甲者。言萬物剖符甲而出也。此所謂萬物出乎震也。

齊乎巽巽東南也。齊也者。言萬物之潔齊也。

鄭注。齊於巽。風搖長以齊之。潔猶新。漢上易徐文靖云。

律書曰。南至于氐。南至于亢。南至于角。三月也。律中姑

洗姑洗者言萬物洗生其于十二子爲辰白虎通曰姑者故也洗者鮮也言萬物去故就新莫不鮮明也此所爲萬物之潔齊也

離也者明也萬物皆相見南方之卦也聖人南面而聽天下嚮明而治蓋取諸此也

鄭注萬物皆相見日照之使光大

漢上易

徐文靖云律

書曰清明風居東南維主風吹萬物而西之軫西至于翼四月也律中仲呂其于十二子爲巳西至于七星西至于張張者言萬物皆張也西至于注陽氣下注故曰

注。五月也。律中蕤賓。景風居南方。其于十二子爲午。午者。陰陽交。其于十母爲丙丁。丙者。言陽道著明。聖人南面而聽天下。嚮明而治。蓋取諸此也。

坤也者地也。萬物皆致養焉。故曰致役乎坤。

鄭注。萬物皆致養焉。地氣含養。使有秀實。漢上又云。坤

不言方者。所言地之養物。不專一也。易疏徐文靖云。律

書曰。西至于弧。西至于狼。涼風居西南維。主地。六月也。

律中林鍾。其于十二子爲未。未者。萬物皆成。有滋味也。

萬物皆成而有滋味。則萬物滋養皆由坤所徧致也。故

曰致役乎坤。役者何。地道无成而代有終。祇以順承天施也。

兌正秋也。萬物之所說也。故曰說言乎兌。

鄭注。萬物之所說。草木皆老。猶以澤氣說成之。漢上易

徐文靖云。律書曰。北至于罰。北至于參。七月也。律中夷則。言陽氣之則萬物也。其于十二子爲申。北至于濁。北至于留。八月也。律中南呂。言萬物之旅入藏也。其于十二子爲酉。律術志曰。留孰于酉也。是萬物至秋成熟。陽氣飽滿暢遂也。故曰說也。

戰乎乾乾西北之卦也。言陰陽相薄也。

鄭注。戰。言陰陽相薄。西北。陰也。而乾以純陽臨之。猶君

臣對合也。

漢上易

徐文靖云。律書。閭闔風居西北方。北

至于閭。北至于婁。北至于奎。九月也。律中無射。其于十

二子爲戌。不周風居西北。主殺生。東壁居不周風東。主

闢生氣而東之。是乾卦居西北。主殺生。於是陰陽相爭。

有戰之象焉。坤上六。龍戰于野。陰盛而戰乎陽。謂其嫌

于无陽也。故以爲陰陽之相薄也。

坎者水也。正北方之卦也。勞卦也。萬物之所歸也。

故曰勞乎坎

鄭注坎勞卦也。水性勞而不倦。萬物之所歸也。漢上易

徐文靖云。律書曰。東至于營室。東至于危。十月也。律中應鍾。其于十二子爲亥。亥者該也。言陽氣藏于下也。廣莫風居北方。言陰莫陽廣大也。東至于虛。東至于女。十一月也。律中黃鍾。言黃氣踵黃泉而出也。其于十二子爲子。子者滋也。萬物滋于下也。東至于牽牛。言陽氣牽引萬物而出之也。孔氏易疏曰。坎是象水之卦。水是不舍晝夜。所以爲勞。又是正北方之卦。斗柄指北爲冬。冬

時萬物閉藏。受納爲勞。竊謂萬物出乎震。齊乎巽。相見乎離。以至戰乎乾。如人之久出而未有歸。至是而歸。根復命。故以爲萬物之所歸也。坎位于北而建子。中菴新論曰。子有兩義。冬至前半月屬舊歲。後半月屬新歲。遁甲未交冬至。作陰遁逆行。既交冬至。作陽遁順行。大抵子位正北。有終陰始陽之義。既有以歸之。又有以出之。何其勞也。故以坎爲勞卦也。

艮東北之卦也。萬物之所成終而所成始也。故曰

成言乎艮

鄭注萬物自春出生於地。冬氣閉藏。還皆入地。萬物之所成終而所成始。言萬物陰氣終。陽氣始。皆艮之用事。

漢上易

徐文靖云。律書曰。十二月律中大呂。其于十二

子爲丑。丑者紐也。言陽氣在上未降。萬物厄紐未敢出。

條風居東北。主出萬物。言條治萬物而出之。故曰條風。

南至于箕。箕者言萬物根棋。

徐廣曰。一作橫。

正月也。律中泰族。

其于十二子爲寅。南至于尾。南至于心。南至于房。房者。

言萬物門戶也。至于門則出矣。此艮之成終而又以成。

始也。又云。前漢天文志。昴畢爲天街。其陰陰國。陽陽。

國。孟康云。陰西南。象坤維。河山已北國也。陽。河山已南國也。乾爲天。天左舒而起牽牛。故位天於西北。左舒而近坎。天一生水之謂也。震坎艮從之。而皆位於街北者。陰中陽也。坤爲地。地右闢而起畢昴。故位坤於西南。右闢而首離。地二生火之謂也。巽離兌從之。而皆位於街南者。陽中陰也。

乾爲馬

見下爲良馬句

坤爲牛

見下爲子母牛句

震爲龍

漢上易傳震東方卦直春分以後辰亦爲龍蒼龍之次也。動極必反。故龍以春分升以秋分降。又云盛夏疾雷木拔而龍起。震爲木也。王充曰。龍雷同類。其知震之爲乎。震位在卯。其日甲乙。其數三八。故元之中以次三爲龍。占家以甲乙寅卯爲龍。惠棟云震東方歲星木木爲青龍故爲龍

巽爲雞

巽近辰爲鶉火之次。又近巳爲鶉尾之次。故象雞。巳上

史記天官書軫主風集解引九家曰巽爲雞應八風也
風應節而變變不失時雞時至而鳴與風相應也二九
十八主風精爲雞故雞十八日剖而
成雞二九順陽厓故雞知時而鳴也 朱漢上易傳巽
位在巳金所生也王於酉上值於昴故雞爲金畜洞林
曰巽爲大雞酉爲小雞又曰玉衡星散爲雞玉衡斗也
案巳上值
紫微玉衡

坎爲豕

坎辰近子上值室廣雅曰營室曰豕故爲豕漢上易傳
直室也坎之所自生也 黎世序云坎主亥子
之方近水汚溷則躁於中而陰濁於外故爲豕

離爲雉

黎世序云離文明而能飛位南為朱鳥之方故為雉上河

注易

艮為狗

周禮秋官序官疏約鄭義云艮卦在丑艮為止以能吠

守止人則屬艮

黎世序云艮止主守犬性屬土而善守故艮為狗

乾辰在戌

九家云犬近奎星

集解張惠言云謂在戌也

又漢上易傳云戌為

狗者直婁也火墓於戌生於寅寅為虎而其子亦曰狗

案乾三入坤成艮故艮為狗

艮三辰又在辰上值斗集解引九家曰艮數三七九

六十三三主斗斗為犬故犬懷胎三月而生斗建行十三時日出故犬十三日而開目斗屈故犬臥屈也斗運

行四匝。犬亦夜繞室也。犬之精畏水不敢飲。但舌舐水耳。犬鬪以水灌之則解也。

兌爲羊

鄭云其畜好剛鹵也。周禮夏官羊人序官疏惠棟云兌正秋也。易

是類謀曰太山失金雞。西嶽亡玉羊。羊是西方之畜。案

平御覽引易是類謀曰五星合狼張晝視無日光虹蜺煌煌太山失金雞西嶽亡玉羊太山失金雞者箕星亡

也箕者風也風動雞鳴今箕候亡故雞亦亡也西岳亡玉羊者猪星在木未爲羊雞失羊亡黎世序

河上易注云羊外柔說而內剛狼羊值未而主兌金生

於土也土生金故角觸羊屬土故土怪爲羴羊此兌之

所以爲羊也。與下爲羊參看

乾爲首

乾九五辰在申。上值井鬼。井鬼爲鶉首之次。故象首。

坤爲腹

見上坤以藏之句注

震爲足

震陽在下。動行。故爲足。五行貌屬木。足所以動容貌也。

巽爲股

坤辰在參。參有左股右股。

開元占經引鄒萌曰。參左股亡。則東方南方不可舉兵。右

股亡。則西方北方不可舉兵。

坤之初入乾成巽。故爲股。

坎爲耳

孔穎達曰。坎北方之卦。主聽。故爲耳也。

離爲目

孔穎達曰。離南方之卦。主視。故爲目也。坤辰在申。上值輿鬼。晉書天文志。輿鬼五星。天目也。主視。明察奸謀。坤之二入乾成離。故離爲目。

艮爲手

艮止也。辰在丑。淮南天文。丑爲閉。閉卽止也。孔穎達曰。艮陽爲止。手亦能止持其物。故艮爲手。

兌為口

鄭注。兌上開。似口。漢上案。兌西方金。於五事為言。口所

以出辭氣也。兌辰在酉。上值昴附星卷舌。春秋合誠圖

曰。卷舌主利口。開元占經。故為口。

乾為天為圓

鄭注。天清明无形。漢上案。乾辰在戌亥。天位西北。故乾

為天。宋衷曰。乾動作不解。天亦轉運動作。轉運非圓不

能。故為圓。集解

為君

戌上值紫宮五帝內座。晉書天文志曰。五帝內座設敘順。帝所居也。故爲君。

爲父

蠱上九不事王侯。高尚其事。鄭注云。上九辰在戌。得乾氣。父老之象。故爲父。

爲玉爲金

戌上值婁。西宮候曰。婁其物黃金。開元占經故爲金。坤辰

在未。上值與鬼。石氏曰。西二尺一星積金玉。開元占經乾坤

旁通。故爲金玉。白虎通攷黜云。金者精和之至也。玉者德義之至也。

爲寒爲冰

惠棟云。乾位西北。西北寒冰之地也。故爲寒爲冰。

爲大赤

漢上易傳。赤陽色也。陽始於子。坎中之陽。故坎爲赤。極於巳。純乾也。故乾爲大赤。

與坎爲赤參看

楊升庵云。明堂位。

商之大白。周之大赤。皆旂名。左傳。分康叔以少帛。綦綦。旃旌。註云。綦。綦。大赤。取染草名也。周禮。象路建大赤以朝。皆是。案。戊上值奎。附星閣道。石氏曰。閣道六星。王良旂也。一名紫宮旂。故名大赤。

為良馬為老馬為瘠馬為駁馬

戊上值奎附星王良。元命包曰。天駟四星。傍一星名王

良。主天馬。

開元占經

故象馬為良馬者。虞翻云。乾善故良也。

為老馬者。荀九家云。言氣衰也。息至已。必當復消。故為

老馬也。

集解

為瘠馬者。鄭注云。凡骨為陽。肉為陰。

漢上易

乾

陽皆骨。故為瘠馬也。為駁馬者。宋衷云。天有五行之色。

故為駁馬也。

集解

梅福云。一色成體。謂之駁。白黑雜合。謂之駮。

為木果

乾辰在亥。廣雅釋言。亥。荻也。釋名釋天。亥。核也。言物成

皆堅核也。故爲木果。

集解引朱衷曰：羣星著天，似果實著木，故爲木果。

坤爲地

廣雅釋地：地，土也。案：坤辰在未。論衡物勢：未，土也。故坤爲地。

爲母

坤二離爻。辰在午。上值七星。附星軒轅。石氏曰：軒轅十七星。南端明者。女主也。母也。開元占經故爲母。

爲布

釋名：布，布也。布列眾縷爲經。以緯積成之也。案：坤辰在

未。上值與鬼。黃帝占曰。與鬼南星積布帛。開元占經故爲布。

或云。古者謂錢爲泉布。所以通益財。外府注云。布泉

也。布。讀爲宣布之布。其藏曰泉。其行曰布。案與鬼西星

積金玉。北星積錢。開元占經引黃帝占謂布爲錢布。亦通。

爲釜

坤六二辰在酉。屬金。釜。金器也。六二又離爻。辰在午。屬

火。火化生成孰。孔穎達云。爲釜取其化生成熟也。故爲釜。

爲吝嗇

坤位西南。辰在申。屬秋。尚書大傳。秋之爲言收也。故爲

吝嗇。辰又在未。論衡物勢未土也。爾雅釋言土田也。惠棟云。坤田爲嗇。說文嗇愛嗇也。從來从畝。來者畝而藏之。故田夫謂之嗇夫。古文作嗇。從田。故坤爲嗇。

爲均

均平也。詩節南山秉國之均傳未上值參。元命包曰。參主權衡。所

以平理也。開元占經故爲均。均。鄭本作旬。釋言云。旬均也。旬

均字通。

爲子母牛

六二辰在酉。上值昴附星天苑。文獻通考。天苑主馬牛。

羊。故象牛。六二又離爻。離爲坤之子。坤爲牛。離又爲牝牛。是子母牛也。集解引荀九家曰。土能生畜。牛亦含養。故爲子母牛。

爲大輿

坎辰在子。上值危附星車府。故爲輿。坎二畫虛。坤三畫虛。所容載者。坤多於坎。故曰大輿。所以別乎坎也。

爲文

六二離爻。辰在午。上值紫微文昌。黃帝占曰。文昌六星。六府之宮也。在斗魁前。經緯天下文德之宮。開元占經故爲文。李召猷云。乾辰在亥。上值東壁。開元占經引佐助期曰。東壁主文章。乾坤旁通。亦爲文象也。

為眾

乾辰在戌上值隻。却萌曰有聚眾之事。則占於隻。開元占經

乾坤旁通。故為眾。

為柄

柄本也。虞翻易繫德之柄也注未為土。白虎通土在中央者主吐

含萬物。為物之本。故為柄。

其於地也為黑

黑。釋名云晦也。坤辰在未。釋名云未味也。惟昧故晦。

震為雷

乾辰在亥。上值室附星。雷電。甘氏讚曰。雷電震音。殷殷動搖。又值壁附星。霹靂。甘氏讚曰。霹靂奮擊。猝拽拖投。並開元。乾初入坤成震。故爲雷。論衡雷虛云。雷者。太陽占經。動。雷而生物者也。從雨。雷象回轉形。

爲龍

龍。鄭云。當爲龍。取日出時色雜也。

漢上

何氏訂詁云。

震東方。其宿有角有尾。謂之蒼龍。

黎世序云。震居東。主蒼龍七星。陽潛在下。

乘時奮起。

爲元黃

震東方蒼色。孔疏云：震為元黃，取其相雜而成蒼色也。
案卯上值蒼龍，故云蒼色。

為剪

干寶曰：剪，花之通名。鋪為花貌，謂之敷。釋文：孔疏云：取其春時氣至，草木皆吐剪而生也。案卯屬春，敷象春生之氣也，故為剪。

為大塗

鄭云：國中三道曰塗。震上值房心，塗而大者，取房有三塗焉。漢上易：周易述云：王制：道路男子由右，婦人由左，車從中央，是道有三也。震在卯，上值房心，鴻範五行傳曰：出入不節。鄭注云：房有三道，出入之象。案石氏曰：房為四表三道，日月五星常道也。上第一星名為

右服次將。其名上道。次第二星名右驂上相。其名中道。三星名左服次將。其名下道。四星名左驂上相。總四表。三塗卽三道也。

爲長子

卯上值心三星。史記天官書曰。上星太子星。下星庶子星。又上值尾。石氏曰。尾天之九子也。開元占經乾初之坤。一索成震。故爲長子。

爲決躁

九四辰在午。上值大火之次。火就躁。二變爲兌。兌爲附決。故決躁。

為蒼筤竹為萑葦

東方青色九家云蒼筤青也震陽在下根長堅剛陰爻

在中使外蒼筤也集解萑葦鄭云竹類漢上易案卯上值氏

爾雅天根氏也漢志氏為天根竹與萑葦象之

其於馬也為善鳴為馵足為作足為的顙

卯上值房漢上易傳云房為天駟為蒼龍之次又云馬

或龍種而馬八尺以上為龍又云蠶馬首龍星之精故

馬蠶同氣善鳴者虞翻云為雷故善鳴也為馵足者爾

雅馬後右足白驥左足白驥是也作足者王劭云馬行

先作弄四足也。的顙者。虞翻云的。白顙額也。震體頭在口上白。故的顙。詩有馬白顙是也。

其於稼也爲反生

釋名釋天。卯。冒也。載冒土而出也。震陰在上。陽在下。故爲反生。鄭云。生而反出也。漢上易集解引朱衷云。謂菜豆之類。戴甲而生。

其究爲健

卯二月卦。息至四月爲乾。乾健也。故其究爲健。

爲蕃鮮

卯上值辰。漢志辰爲天根。故爲蕃鮮。案坤文言云。草木蕃。蕃鮮謂草木也。

巽爲木

毛西河云。木王東方。而巽以東南。與震同屬。故爲木。案

初辰在未。上值柳。史記天官書。柳主草木。故巽象之。

爲風

巽辰在巳。上值軫。史記天官書曰。軫主風。故爲風。集解引陸

績曰。風土氣也。巽坤之所生。故爲風。亦取靜於本而動於末也。

爲長女

坤辰在未。上值井。何法盛懸象記曰。井。女主之象也。元開

占坤初之乾成巽。故爲長女。經

爲繩直

已上值翼。石氏曰。翼主輔翼。以衛太微宮。法九州之位。
入爲將相。繩直有例。開元占經。巽又近辰。上值紫微垣北斗
第五星。玉衡。春秋元命包曰。玉衡北兩星爲玉繩。玉之
爲言溝刻也。瑕而不掩。折而不傷。宋均注云。繩能直物。
故名玉繩。御覽。巽爲繩直。其證也。

爲工

已上值翼。南宮候曰。翼一名天都市。孝經章句曰。翼者
市也。並開元占經。巽爲近利市三倍。故爲工。坤辰在未上。

值輿鬼。孝經章句曰：輿鬼又曰天匠。開元占經坤初之乾成

巽故爲工。

爲長爲高爲進退爲不果爲臭

已上值軫。史記天官書曰：軫主風。案爲長者取其風行

之遠也。孔穎達爲高者風行天上。柔以時升也。爲進退爲

不果者荀曰：風行无常。故進退風行或東或西。故不果

也。集解爲臭者虞翻注：風至知氣。巽二入艮鼻。故爲臭也。

其於人也爲寡髮

鄭注：寡髮取四月靡草死。髮在人體猶靡草在地。周禮攷工

記車人疏。徐文靖云。攷工記車人之事。半矩謂之宣。注。頭髮皓落曰宣。亦同寡義。

為廣額

辰上值角。春秋緯曰。角一曰維首。開元占經案。額也在首。

上廣。鄭本作黃。漢上易叢說案。天元地黃。坤初之乾成巽。故

為黃額。

為多白眼

未上值輿鬼。南宮候曰。輿鬼。天目也。開元占經案。坤初之乾

成巽。巽為白。故多白眼。毛西河云。眼以白為陽。以黑為陰。何氏訂詁曰。離目上下白而

黑居中。巽目上中白而黑掩在下。是白眼多也。

爲近利市三倍

已上值翼。孝經章句曰。翼者市也。

開元占經

乾坤交易。巽以

一陰得二陽。故爲近利市三倍。

其究爲躁卦

釋名。躁。燥也。如物燥則飛揚也。震爲決躁。辰在卯。上值大火之次。乾文言云。火就燥。巽終變震。故其究爲躁卦。

坎爲水

坎辰在子。論衡物勢。子之性水也。說文。水。準也。北方之行。象眾水並流。中有微陽之氣也。故坎爲水。

爲溝瀆

乾辰在戌。上值奎。聖洽符曰。奎者。溝瀆也。郊萌曰。將有
溝瀆之事。則占於奎。並開元占經乾中畫之坤成坎。故坎爲
溝瀆。

爲隱伏

子上值虛。史記律書曰。虛者。言萬物冬則完。音蘊藏於虛。
坎以一陽藏二陰中。故爲隱伏。

爲矯輳

輳。宋衷作揉。云使曲者更直爲矯。直者更曲爲揉。水流

有曲直。故爲矯揉案。論衡譏曰。子之性。水也。故宋氏云然。

爲弓輪

坎九五辰在申。上值井附星弧矢。石氏曰。弧矢者。天弓也。以備盜賊。開元占經又值畢附星五車。郊明曰。五車主輕車。故爲弓輪。

其於人也爲加憂

子上值虛。郊明曰。將有哭泣之事。則占於虛。開元占經故其於人也爲加憂。

爲心病

坎下互震。辰在卯。上值心星。故象心。坎勞而加憂。故心病。

爲耳痛

坎北方屬聽。故爲耳。九五辰在申。上值畢附星附耳。晉書天文志附耳一星在畢下。主聽得失。伺慙邪。察不祥。故象耳。坎又爲疾。耳有疾。故痛。

爲血卦

張惠言云。坤上六。其血元黃。文言曰。猶未離其類也。故稱血焉。坎正十一月。案坎辰在子。陰陽會於壬。此坤生

復故坎爲血卦也。

爲赤

子十一月卦。惠棟云。白虎通云。十一月之時。陽氣始養根株。黃泉之下。萬物皆赤。赤者。盛陽之氣也。故爲赤。

其於馬也。爲美脊。爲亟心。爲下首。爲薄蹄。爲曳。

子上值危。附星造父。郤萌曰。造父一名司馬。開元占經故象

馬。爲美脊者。宋衷云。陽在中央。馬脊之象也。爲亟心者。

崔憬曰。取其內陽剛動。故爲亟心也。爲下首者。荀爽曰。

水之流首卑下也。爲薄蹄者。荀九家曰。在下。水又趨下。

趨下則流散。流散則薄。故為薄蹄也。為曳者。宋衷云。水

摩地而行。故曳也。俱集解

其於輿也為多眚

子上值危附星車府。故為輿。害。王虞云。病也。文擇

為通

虞翻云。水流瀆。故通。案子上值女附星天津。開元占經引元命包曰。天津主河梁。以濟不

通故為通

為月

月。鄭云。臣象也。文選謝希逸月賦注春秋元命包曰。太陰水精為

月坎辰在子爲水故爲月。

爲盜

漢上易傳云陰陽家以元武爲盜元武水也。離辰在午主盜賊坎離旁通故坎亦爲盜。

其於木也爲堅多心

坎二辰在寅東方屬木故象木坎以陽在二陰中故堅多心。

離爲火

離辰在午論衡物勢午火也。徐堅初學記引元命包曰火之爲言委隨也故其立

字人散子。午位南方。上值鶉火之次。故為火。說文曰：火者為火。

之行炎。淮南天文：火為外景。集解引荀爽云：為日為電。而上也。

意故為日為電。吳台文云：離六五辰在卯。上值房附星。日。宋中興志曰：甘氏曰：日一星在房之

西。氏之東。日者陽精之宗也。以司太陽之行度。日生於

東。故於是在焉。又云：午上值七星附星。軒轅。太平御覽

六引：大象列星圖曰：陰陽交感為雷。激為電。和為雨。怒

為風。亂為霧。凝為霜。散為露。聚為雲。氣立為虹。蜺離為

背。而分為抱。理此十

四變。皆軒轅主之。

為中女

午上值七星。甘氏曰：七星主后妃御女之位。文獻通考故為

中女。

為甲冑為戈兵

午上值七星。列宿占曰。七星主兵。開元占經故為甲冑。為戈

兵。

其於人也為大腹

荀九家坤以藏之。注云。謂建申之月。坤在乾下。包藏萬

有也。集解坤中畫入乾成離。離中虛。故為大腹。

為乾卦

午為鶉火之次。燥萬物者莫熯乎火。故為乾卦。乾鄭云。

當為幹。陽在外。能幹正也。釋文案釋文引董遇云。為幹卦。用鄭義也。惠棟

云列子木葉幹殼張湛讀爲乾乾幹同物

爲鼈爲蟹爲羸爲蚌爲龜

鄭云骨在外周禮攷工記梓人疏案坎辰在子宋中興志石氏云

北方黑帝其精元武爲七宿司介蟲三百六十文獻室通考

宿屬之室附星有螣蛇隋志螣蛇主水蟲坎離旁通故

爲鼈爲蟹爲羸爲蚌爲龜

其於木也爲科上稿

午上值柳史記天官書曰柳主草木故象木稿鄭作橐

釋文案說文稿木枯也稿釋也稿本字稿假借字云科上者陰在內爲疾集解引宋

衷云陰在內則空中。木中空則上科索也。

艮爲山

艮辰在丑。論衡物勢丑土也。惠棟云坤爲土。陽止坤上。故爲山。

爲徑路

鄭云田間之道路曰徑路。艮爲之者。取山間鹿兔之蹊。初學記二十四案丑上值牽牛。甘氏曰牽牛上二星主道路。元開經故爲徑路。

爲小石

乾辰在戌。上值婁。西宮候曰。婁其物黃金石。開元占經乾三之坤成艮。陸績云。艮剛卦之小。故為小石者也。集解

為門闕

漢上易傳。艮土東北。當啓閉之際。門闕也。案丑上值斗。巫咸曰。南斗六星。二名天闕。故為門闕。釋名。闕闕也在門兩旁。中央闕

然為道也。

為果蔬

丑上值牛。附星織女。合誠圖曰。織女主瓜果。開元占經艮陽極成孰之象。故為果蔬。集解引朱衷曰。木實謂之果。草實謂之蔬。桃李瓜瓞之屬皆出

山谷也。釋文引張宴曰。有核曰果。無核曰核。

爲閤寺

宋衷云。閤人主門。寺人主巷。艮爲主。張惠言云。此職皆主當爲止。

掌禁止者也。集解。案周禮。閤人掌守王之中門之禁。寺人掌王之內人及女官之戒令。相道其

出入之事。案。艮爲門闕。辰在丑。淮南天文。丑爲閉。與職而糾之。

掌禁止義合。艮又互震。上值房心鍵閉。巫咸曰。鍵閉一

星。在房東北。主管籥關門之官。開元占經故爲閤寺。

爲指

見上艮爲手句

爲狗

丑上值斗附星狗。甘氏曰。狗二星在南斗魁南。讚曰。狗主守內。夾門伏跼。開元占經。漢上易傳上言艮爲狗。未有交猶狗也。虞翻郭璞以兌艮爲虎。故爲狗。與前艮艮者寅位也。艮究成兌。故艮爲虎子。

爲鼠

虞翻云。似狗而小。在坎穴中。張惠言云。坎穴半見於上。晉九四是也。張惠言云。晉九四。體艮坎案。坎辰在子。論衡物勢子鼠也。又漢上易傳。天文虛爲鼠。坎虛在子。故子爲鼠。漢上易傳。玉衡之星散爲鼠。其艮之九三平。案九三辰在辰。上值

北斗
玉衡

爲黔喙之屬

黔鄭作黠

集解引馬融云黔黑也

謂虎豹之屬貪冒之

類取其爲山獸

易漢上

朱震云寅爲虎狸是也寅卽艮也

又云天文箕爲豹尾爲虎同在艮案艮辰在寅上值箕故朱氏云然

其於木也爲堅多節

九三辰在辰上值氏爾雅天根氏也漢志氏爲天根故爲木艮剛在外故堅多節

兌爲澤

兌正秋。呂覽季秋行夏令注。秋金氣水之母也。案兌辰在酉。上值胃昴畢。大梁之次也。服虔注昭三十一年左傳曰。是歲歲在析木。後六年在太梁。太梁水宗也。案開經引石氏曰。胃秋冬爲水。昴春夏爲水。畢秋冬爲水。故云水宗。故兌爲澤。

爲少女

兌正秋。春秋繁露官制象天。秋者少陰之選也。故爲少女。

爲巫爲口舌

酉上值昴附星天譏。隋志天譏主巫醫。又值卷舌春秋
合誠圖曰。卷舌主口語。開元占經故為巫為口舌。徐文靖云周禮都宗
人注男為覲女為巫兌
為少女則為女巫也。

為毀折

兌正秋金能殺物故為毀折。徐文靖云詩傳曰草木不折不操斧斤兌正秋斧斤
以時入山林落其實而取其林故多為毀折也

為附決

孔穎達云果蓏之屬則附決也。案酉上值畢附星天園。
園開元占邠萌曰天園小句曲星明果孰。又甘氏讚曰。
經作園

天園草實。菜茹蓄儲。開元占經故爲附決。

其於地也爲剛鹵

說文。鹵。西方鹹地也。案兌正西。又金也。故爲剛鹵。

爲妾

兌互離。辰在午。上值七星。附星軒轅。石氏曰。軒轅星舍

爲百二十妃。開元占經故爲妾。

爲羊

羊。鄭本作陽。云此陽謂爲養无家女。行賃炊爨。今時有之。賤於妾也。漢上易。錢大昕十駕齋養新錄云。此字當爲廝。養之養。經史管窺云。公羊傳宣

十二年廝役。廝養。注。炊亨者日養。史記儒林傳兒寬常為弟子都養。注。都養為弟子造食也。鹽鐵論云析薪

為廝。炊案兌互坎辰在子上值女。陸希聲歸妹以須。注

云在天文織女為貴。須女為賤。兌三少女。位賤故為養。

坤辰在未。上值井附星天狼。鄭康成曰。狼星主羊。宋

均曰。狼星為羊角。注曰。狼在於未。未為羊也。開元未又

上值豐鬼。南宮侯曰。其物馬牛羊虎也。坤三爻入乾成

兌。故兌為羊。與前兌為羊句參看